


Bidirectional Glenn Shunt (Cavopulmonary Shunt) (BDG)

Weecinta Soonoqoshada Dhiigga (Qalliinka U-weecinta Dhiigga ee Sambabka)



Ogeysiis:

The Children's Heart Clinic, 2530 Chicago Avenue S, Ste 500, Minneapolis, MN 55404
612-813-8800 * Toll Free: 1-800-938-0301 * Fax: 612-813-8825
Children's Hospital of Minnesota, 2525 Chicago Avenue S, Minneapolis, MN 55404

Weecinta Soonoqoshada Dhiigga (Qalliinka U-weecinta Dhiigga ee Sambabka) Bidirectional Glenn Shunt (Cavopulmonary Shunt) (BDG)

Bidirectional Glenn shunt (Qalliinka weecinta soonoqoshada dhiigga) (BDG) badanaa waa qalliinka labaad oo lagu sameeyo hal qalbac oo ah wadnaha oo dhibka laga yareynayo. Qalliinkan badanaa waxaa ilmaha lagu sameeyaa markay jiraan 4 ilaa 6 bilood. Qalliinkan wuxuu fududeynayaa dhiigga aan ogsijiinta wadan, “buluug” ee madaxa in uu si aan toos ahayn u galo sambabada.

Furista bartanka shafka (jeexid ah qeybta dhexe ee shafka) ayaa la sameynayaa iyada oo la marayo jeexid ah qalliin hore, hadduu jirto. Waxaa ilmaha lagu xirayaa wadne iyo sambab mashiiin ah (wadne-sambab macmal ah). Superior vena cava (Dhuunta sare ee soocelinta dhiigga ama SVC) waxa ay ka soo baxaysaa qeybta midigta kore. Jeexista waxaa lagu sameynayaa halbowlaha sambabada. SVC waxaa markaas lagu tolayaa meesha laga jeexo halbowlaha sambabada. Haddii ilmaha lagu arko SVC-bidixe, qalliinka ayaa lagu celinayaa dhanka bidixe (*labada dhinac* Weecinta Soonoqoshada Dhiigga). Wadnaha macmalka ah ayaa la joojinayaa oo jeexitaanka qalliinka ayaa la xirayaa.

Hawlgalka Caadiga ah ee Qalliinka Ka-dib:

- Wakhtiguu Qaadanayo Qalliinka: 3 ilaa 4 saac
- Qalabka Tuubooyinka: Waxaa ilmaha badankooda lagu soo celinayaa Xarunta Daryeelka Wadnaha ka dib qalliinka oo waxaa lagu xirayaa tuubo ah neefsashada, mid halbowle oo lagula soconayo cadaadiska dhiigga, mid kale oo ah xididdada (mid ah faleebbe daawada ama IV daawada laga qaato iyo in dhiig laga qaado), faleebbe ama IV bannaanka ah, tuubooyinka xabadka ah oo dheecanka looga daadinayo, kateetaraha Foley oo ah kan kaadidu geleyso, iyo mararka qaarood xargaha batariga wadnaha oo meelgaar ah.
- Sookabashada Caadiga ah Qalliinka Ka-Dib: Tuubada neefsashada ayaa badanaa laga saarayaa maalinta qalliinka ama subaxa ku xiga. Tuubada halbowlaha badanaa waxaa laga saarayaa maalmo ka dib, marka laga joojiyo faleebbaha. Tuubada xididdada bartamaha waxaa laga bixinayaa marka laga joojiyo ee aan loo baahneyn daawada iyo dhiigga laga qaadayo faleebbaha ama IV. Tuubooyinka xabadka waxaa laga saaraa 24 ilaa 48 saac ka dib qalliinka, markuu yaraado dheecaanka soo baxaya. Wax yar ka dib qalliinka, ilmaha waxaa la siinayaa heparin si looga hortago xinjirowga si uusan u sameysmin marka la sameeyo qalliinka weecinta dhiigga. Marka ilmuhu wax u cunayo si fiican, aspirin ayaa loo bilaabayaa oo waxaa laga joojinayaa heparin. Carruurta waxay mararka qaarkood yeeshaan madax-xanuun iyo “oohin” ka dib qalliinka weecinta ee Glenn oo cadaadinaya xididdada madaxa iyo addimada sare. Calaamadahaas, haddii ay jiraan, waa muddo gaaban oo si tartiib ah ayey uga baabba’ayaan maalmo ilaa toddobaadyo, laakiin waxaa la siin karaa daawo inta uu ilmuhu isbitaalka jiifo.
- Muddada Seexinta Isbitaalka: Wuxuu ilmuhu isbitaalka joogayaa badanaa 5 ilaa 7 maalmood ka dib marka loo geliyo BDG.

Qaadashada Daawooyinka Guriga: Carruurta waxa ay u baahan karaan hal daawo ama in ka badan in ay guriga u qaataan ka dib BDG sida:

- Daawada biyaha saarta (Lasix) si looga xakameeyo dareeraha
- Daawada dhiigga jilcisa (Aspirin, Lovenox) looga hortago xinjirowga
- Walax ah dhimista culeyska si wadnaha looga yareeyo hawsha oo looga yareeyo dhiigkarka (Enalapril, Captopril)
- Antibiyootigga bakteeriyada ilkaha ayaa khasab ah in loo qoro.